



## **Universitätsbibliothek Paderborn**

**Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

3. An honor, & quomodo tamquam virtutis præmium possit appeti?

**urn:nbn:de:hbz:466:1-45699**

tant ea, quæ honori è diametro aduersantur: quales sunt publici ganeones, lurcones, bibones, milites gloriosi, qui Martem in lingua, non in machæra gerant; non manu strenui cùm pugnandum, sed pedibus expediti, quando putant fugiendum. His talibus utique optandum esset, vt ad nomen atque honorem suum magis attenderent, neque in tot infamias se se præcipitarent. Alexander Magnus dicere solebat: *Homeris et Theristæ esse, quam Charii Hectoris aut Achillei, male.* Qui etiam edicto vetuit, ne à quoquam pingeretur, præterquam ab Apelle; aut à quoquam ære sculperetur, præterquam à Lysippo, artificibus illius ætatis præstantissimis. Et L. Sylla, de bonis, in foro proscriptorum subasta venditis, quædam malo Poëtae donari iussit, ea lege, *ne in postrum de scriberet.* Noluerunt isti, malos artifices effigiem suam facere, aut de se loqui, ne male bona explicarent: quantò secius faciunt, qui ita viuunt, vt boni & mali de illis pessimè loqui cogantur, si velint proferre veritatem? Non abicienda est igitur boni nominis cura, ne in vita, quæ honori contraria sunt, atque opprobria incurramus. Quæ monitio non gloria ambienda, sed vita contumeliae est occasio. Ita nimirum vivere oportet, non vt laudemur, sed vt laudem mereamur; hoc virtutis est, illud ambitionis. Non propter ventum, sed propter portum libenter secundo æstu nauigamus.

## III.

*At diximus, ex Aristotele, honorem esse debitum virtutis præmium, quod si ita est, cur id, quod nobis, tamquam justum præmium virtutis debetur, non fas sit appetere? Sic olim Romani duces, Prætores, Consules, Dictatores, Imperatores, re in bello bene gesta, & postea, vt lege cautum est, si quinque millia hostiū una acie cecidissent, triumphales honores petierunt. Sic Romulus, Acrone Coeninensium rege sua manu cæso, primus, eiusque postea exemplo, Tarquinius Priscus, L. Cæcilius Metellus A.V. 10111. Marcellus, an. 10441. P. Scipio Africanus, an. 10491. L. Æmilius Paulus, an. 10451. Scipio Africanus posteriore anno 10471. L. Mummius, an. 10411. Marius, an. 10472. Sulla, an. 10472. & Pompeius tertium triumphauit. Qui omnes, cùm triumphum peterent, meritos honores petiuerunt. Quid igitur in ea petitione vitij latebat? Potuerunt nempe triumphum varijs*

Plutarch. in  
Alexandro.

Cic. pro Ar-  
chia.

Val. Max.  
lib. 2. cap. 8.

varijs de caussis desiderare. Si idcireo eum desiderârunt, vt alij quoque ad similia virtutum opera excitarentur, aut vt ipsi tanto maiorem in hostes obtinerent authoritatem, non mala fuit ea triumphi petatio: Si autem, vt virtutis suæ præmium præmiumque reportarent, quod plerumque solebant facere, euauerunt in cogitationibus suis, potuitque merito illis dici: *Fili hominum usquequo grani corde? ut quid diligitis vanitatem, & quaritis mendacium?* Nequaquam enim honor est, diciturué præmium virtutis, ratione eius, qui virtute prædictus est, quasi nimirum, qui ex virtute agit, honores eiusmodi sacerulares, tamquam virtutis suæ præmiūl debeat postulare. Verum enim præmium virtutis est beatitudo cælestis, quæ, tamquam legitimus ac genuinus, non spurius, finis virtutis, est expectenda. Quando igitur honor virtutis esse præmium affirmatur, non est id intelligendum ratione illius, qui virtutem possidet, quasi is pro virtutis suæ præmio honorem & gloriam debeat affectare; cùm, ex ipsis etiam Aristotelis sententia, nequaquam sit sufficiens præmium virtutis honor; sed intelligendum est, ratione aliorum, qui non habent aliquid maius', quam honorem, quod virtute prædicto in præmium reddant. Duo itaque hic attente sunt animaduertenda, vnum est, ne honorem ipsi ambiamus, quamvis nobis ex justitia ab alijs debitum; alterum, ne honorem, quem alijs, ob virtutem, vel alias excellentias debemus, impendere negligamus. Valde enim, inter miseros mortales, consuetum est, vt contrarium faciant. Nam plerique se ab alijs cupiunt honorari; ipsis autem, vt alios honorent, ægrè adducuntur. In caussa est amor sui. Aliud præscribit amor proximi. *Quia charitas non est ambitiosa: non querit quæ suæ sunt.* Inuidia autem omnia inuertit, & tamquam fallente oculo ea, quæ superiora sunt, infra; quæ autem inferiora, supra videt, sicut is qui in aqua cernit arbores radice sursum tendentes; aut qui in speculo quæ dextera sunt, sinistro; quæ sinistra, dextero loco stare arbitratur: ita enim liuor, quæ in se reprehensione digna sunt, laude digna, quæ in alijs laudanda, vituperanda arbitratur; & qui alijs est Momus, facile sibi ipsis fit Suffenus.

Supereft alia dubitatio, quo modo malum esse possit, illud appetere, per quod homo ad bonum prouocatur, & reuocatur à malo?

Rom. 1. 21.  
Plat. 4. 3.

Aristotel. lib.  
4, Ethic. c. 3.

1. Cor. 13. 5.

#### IV.